

1608

B/6

Bosna i Hercegovina
Federacija Bosne i Hercegovine
KANTON SARAJEVO
Ministarstvo za obrazovanje,
nauku i mlade



Босна и Херцеговина
Федерација Босне и Херцеговине
КАНТОН САРАЈЕВО
Министарство за образовање,
науку и младе

Bosnia and Herzegovina
Federation of Bosnia and Herzegovina

CANTON SARAJEVO
Ministry for Education, Science and Youth

Broj: 11/03-05-18645-37/19
Sarajevo, 31.05. 2019. godine
SKUPŠTINA KANTONA SARAJEVO
n/r Elmedin Konaković, predsjedavajući Skupštine
-OVDJE-

PREDMET: Odgovor na zastupničko pitanje broj: 01-05-18645-37/19 od 14.05.2019. godine, dostavlja se

PITANJE:

Zastupnica Neira Dizdarević je na Osmoj radnoj sjednici Skupštine Kantona Sarajevo, održanoj dana 14.05.2019.godine, u okviru tačke Dnevnog reda „Poslanička/zastupnička pitanja, inicijative i odgovori“, a u skladu sa Poslovníkom Skupštine Kantona Sarajevo postavila je zastupničko pitanje:

„Da li je neusklađivanje Pedagoških standarda sa djelatnosti porodičnog čuvanja djece, te nepostojanje zakonskog okvira koji reguliše ovu oblast odgovor koji je u interesu djece, roditelja i društva u cjelini? Da li će ignorisanje postojeće prakse porodičnog čuvanja djece uvesti u red ovu oblast? Da li je potrebno ukazivati na dužnost države na zaštitu djece koja se ne nalaze u institucionalnoj skrbi?“

ODGOVOR:

Zahvaljujemo se na zastupničkom pitanju upućenom Ministarstvu za obrazovanje, nauku i mlade Kantona Sarajevo.

Uvažena zastupnica Neira Dizdarević izrazila je nezadovoljstvo našim odgovorom od 11. 04. 2019. godine, u kojem smo naveli zakonsku proceduru stvaranja uvjeta za razmatranje inicijative „porodičnog čuvanja djece“.

U dostavljenom pitanju od 14. 05. 2019. godine uvažena zastupnica se poziva na princip najboljeg interesa djeteta, što je za sve profesionalce koji rade s djecom smjernica za postupanje u cilju ostvarenja psihofizičke dobrobiti i blagostanja svakog djeteta. Iznimno je važno da i za pomenuto pitanje/inicijativu, u vezi „porodičnog čuvanja djece“ dobijemo stručno mišljenje, koje je najkompetentnije.

Stoga smo u prethodnom odgovoru savjetovali da se inicijativa uputi stručnoj Komisiji za izradu Nacrta Zakona o predškolskom odgoju i obrazovanju u Kantonu Sarajevo.

Također, jedno od strateških opredjeljenja Vlade Kantona Sarajevo, na polju obrazovanja je unapređenje predškolskog odgoja i obrazovanja. Iznimno je važno svakom djetetu osigurati jednake šanse i pristup obrazovanju, bez diskriminacije po bilo kojem osnovu.

Shodno navedenom, Vlada Kantona Sarajevo poduzima niz aktivnosti kako bi od septembra 2019. godine sva djeca predškolskog uzrasta imala mogućnost za upis u predškolske ustanove, javne i privatne.

S tim u vezi, poznato Vam je da Ministarstvo za obrazovanje, nauku i mlade Kantona Sarajevo ne može uvoditi nove sadržaje, načine, metode u radu s djecom ukoliko se ne zadovolje zakonske pretpostavke. Kako bismo uvažili Vašu inicijativu potrebno je zakonski regulirati navedenu oblast, te Vas obavještavamo da ćemo u toku izrade Zakona o predškolskom odgoju i obrazovanju u Kantonu Sarajevo istu razmotriti.

Vjerujemo da ćemo i dalje imati Vašu podršku u nastojanjima da svakom djetetu stvorimo jednake šanse i prilike za kvalitetan odgoj i obrazovanje.

S poštovanjem,



MINISTRICA

M. Zineta Bobunić

Dostaviti:

1. Naslovu

2.a



web: <http://mon.ks.gov.ba>

e-mail: mon@mon.ks.gov.ba

Tel: + 387 (0) 33 562-128,

Fax: + 387 (0) 33 562-218

Sarajevo, Reisa Džemaludina Čauševića 1

